

БАЁННИНГ КЎЧИРМА НУСХАСИ

Давлат харидлари соҳасидаги шикоятларни кўриб чиқиш бўйича комиссия йиғилишининг БАЁНИ

Тошкент шаҳри

2023 йил “15” март

Раислик қилди:

Иқтисодиёт ва молия вазири ўринбосари –
комиссия раиси - А. Каримов

Қатнашдилар:

Давлат харидлари соҳасидаги
шикоятларни кўриб чиқиш бўйича комиссия
аъзолари

Таклиф этилганлар:

“Azboa-uz” МЧЖ вакиллари, “Epiroc
mining and costruction technique” МЧЖ
мутахассислари, “Mir kool heat” МЧЖ вакиллари,
Тошкент вилояти болалар кутубхонаси
вакиллари, “Олмалиқ КМК” АЖ вакили, “Бухоро
халқаро аэропорти” МЧЖ вакиллари

Давлат харидлари соҳасидаги шикоятларни кўриб чиқиш бўйича комиссия
йиғилишининг қворуми – ____ %.

КУН ТАРТИБИ

1. Давлат харидлари соҳасидаги шикоятларни кўриб чиқиш бўйича
комиссияга “Azboa-uz” МЧЖнинг *pt.gov.uz* орқали келиб тушган 2023 йил
1 мартдаги 28806-s/23-сон мурожаати.

2. Давлат харидлари соҳасидаги шикоятларни кўриб чиқиш бўйича
комиссияга “Epiroc mining and costruction technique” МЧЖнинг 2023 йил
17 февралдаги мурожаати.

3. Давлат харидлари соҳасидаги шикоятларни кўриб чиқиш бўйича
комиссияга “Mir kool heat” МЧЖнинг *тадбиркорлар виртуал офиси* орқали келиб
тушган 2023 йил 22 февралдаги 374-bgu/23-сон мурожаати.

Кун тартибидаги 1-масала юзасидан.

Комиссия раиси ўринбосари С. Назаров сўзга чиқиб, мурожаат муаллифи –
“Azboa-uz” МЧЖнинг мурожаатида кўтарилган масалалар билан йиғилиш
иштирокчиларини таништирди.

Хусусан, Тошкент вилояти болалар кутубхонаси томонидан 223519-лот рақами билан “китоб маҳсулотлари” сотиб олиш юзасидан ўтказилган энг яхши таклифларни танлаш (кейинги ўринларда - танлаш) савдолари жараёнида:

харид комиссияси ҳаракатларида рақобат ва ҳолислик тамойилларига риоя этилмаганлиги;

мазкур давлат харидининг 1-шарти бўйича мурожаатчига баҳолаш мезонларига амал қилмасдан асоссиз равишда 20 баллдан 10 балл берилгани;

2-шарт бўйича ташкилот омборида танлашга қўйилган китоб маҳсулотлари етарли миқдорда мавжудлиги ҳақида омборхона маълумотнома дастурига тўғри тартибда юкланганилиги инобатга олинмай паст баҳолангани;

танлашга тақдим этилаётган китоблар ҳақида маълумот (техник параметрлар киритилган бўлиши шарт) тўлиқ кўрсатилгани, лекин сабабсиз равишда 20 баллдан 5 балл берилгани;

Маълумот учун. Иқтисодиёт ва молия вазирлиги томонидан 07.03.2023 йилда Тошкент вилояти болалар кутубхонасига мурожаатда келтирилган масалаларга асосли тушунтириши ва маълумотлар тақдим қилиши бўйича мурожаат йўлланган ва жавоб хати олинган.

Ушбу жавоб хатида:

Тошкент вилояти болалар кутубхонаси томонидан 2023 йилнинг 21 февраль куни давлат харидлари электрон порталининг энг яхши таклифларни танлаш бўлимига 232519-сон лот билан 1 278 номдаги жами 16 329 дона китоб маҳсулотлари эълонга қўйилганлиги, лотнинг тугаш санаси портал томонидан 28 февраль этиб белгиланганлиги;

танлаш шартларига асосан иштирокчи ташкилотлар танлашда иштирок этиш учун 8 хил ҳужжат бириктиришлари лозимлиги;

танлаш муддати тугаган кундан сўнг харид комиссияси 1 март куни ушбу лот бўйича иштирокчи ташкилотлар ҳужжатларини баҳолаганлиги, танлашда қатнашиш учун жами 4 та ташкилотдан, яъни “Azboa-UZ” МЧЖ, “Kitob sayyorasi” МЧЖ, “Farg‘ona kitob olami” МЧЖ ва “Pharos ambition” МЧЖлардан ҳужжатлар жўнатилганлиги;

танлаш шартлари бўйича ташкилотларга қуйидагича баллар қўйилганлиги:

1-шарт: танлаш йўналиши бўйича охириги 3 календарь йилида тузилган шартномалар бўйича нусха юзасидан:

“Pharos ambition”- 20 балл (ушбу ташкилот 2020-2021-2022 йилларда китоб маҳсулотлари етказиб бериш бўйича тузилган шартномалардан 2 донадан ва қўшимча равишда 2023 йилда тузилган шартномалардан 1 дона, жами 7 дона шартнома юклаганлиги);

“Kitob sayyorasi” - 20 балл (ушбу ташкилот 2020-2021-2022 йилларда китоб маҳсулотлари етказиб бериш бўйича тузилган шартномалардан 2 донадан ва жами 6 та шартнома юклаганлиги);

“Azboa-UZ” - 10 балл (ушбу ташкилот фақатгина 2022 йилда тузилган шартномалардан 2 дона юклаганлиги);

“Farg’ona kitob olami”- 10 балл (ушбу ташкилот фақатгина 2022 йилда тузилган шартномалардан 2 донга юклаганлиги);

2-шарт: ташкилот омборида танлашга қўйилган китоб маҳсулотлари етарли миқдорда мавжудлиги ҳақида омборхона маълумотномаси юзасидан:

“Pharos ambition”- 20 балл (ушбу ташкилот омборхона маълумотномасида лот рўйхатида кўрсатилган 1 278 номдаги китоб маҳсулотлари омборида ҳар бир китоб бўйича сўралган китоб маҳсулотлари борлигини ва уларни номма-ном кўрсатган ҳамда танлаш натижасига кўра ташкилот ғолиб деб топилган тақдирда китоб маҳсулотларини ўз вақтида етказиб берилишини кафолатлаганлиги);

“Kitob sayyorasi” -15 балл (ушбу ташкилот омборхона маълумотномасида китоб маҳсулотлари етарли миқдорда борлигини номма-ном кўрсатганлиги);

“Azboa-UZ”- 10 балл (ушбу ташкилот ўз омборхонасида жами 35 890 донга китоб борлигини кўрсатиб ўтганлиги, лекин танлаш рўйхатида кўрсатилган китоб маҳсулотлари бор ёки йўқлиги ҳақида маълумот берилмаганлиги);

“Farg’ona kitob olami”- 10 балл (ушбу ташкилот ўз омборхонасида рўйхатда келтирилган китобларнинг кўп қисми мавжудлиги ҳақида маълумот киритган, лекин айнан қайси китоб маҳсулотлари ва қанча нусхада борлиги ҳақида маълумот келтирилмаганлиги);

5-шарт: танлашга тақдим этилаётган китоблар ҳақида тўлиқ маълумот (техник параметрлар киритилган бўлиши шартлиги) юзасидан:

“Pharos ambition”- 20 балл (ташкилот томонидан танлашга қўйилган барча 1 278 номдаги китоб маҳсулотларининг муқоваси, босма табоғи, бичими, ёзув графикаси бўйича маълумот тўлиқ юкланганлиги);

“Kitob sayyorasi” -15 балл (ташкилот томонидан танлашга қўйилган барча 1 278 номдаги китоб маҳсулотларининг фақатгина муқоваси ва ёзув графикаси бўйича маълумот юкланганлиги);

“Azboa-UZ”- 5 балл (ташкилот томонидан танлашга қўйилган китоб маҳсулотларининг фақат 209 номдаги китоб маҳсулотларига тўлиқ маълумот юкланган, қолган 1 069 номдаги китоб маҳсулотлари бўйича умуман маълумот юкланмаганлиги);

“Farg’ona kitob olami”- 0 балл (ташкилот томонидан омборхона маълумотномасига юкланган ҳужжат қайта юкланган ва китоб маҳсулотларининг техник параметри умуман киритилмаганлиги);

7-шарт: танлаш шартларида рўйхатда келтирилган китоб маҳсулотлари авторлик ва бошқа ҳуқуқлар билан ҳимояланганлиги ҳақида маълумот юзасидан:

“Pharos ambition” - 20 балл (ташкилот томонидан китоб маҳсулотларини ишлаб чиқариш, яъни ноширлик фаолияти билан шуғулланиш ҳуқуқини берувчи ҳужжат ҳамда авторлар ва таржимонлар билан тузилган шартномалардан нусхалар киритилганлиги);

“Kitob sayyorasi” - 15 балл (ташкилот томонидан китоб маҳсулотларини барча талабларга жавоб бериши ва авторлик рухсатлари китоб маҳсулотларини ишлаб

чиқарган нашриётларда мавжудлиги келтирилганлиги);

“AZBOA-UZ” - 15 балл (ташкилот 4 номдаги китобни нашр қилиш ҳуқуқи ўзига берилганлигини кўрсатган, лекин айнан қайси китоблар ёки қайси авторлар билан шартнома қилинганлиги кўрсатилмаганлиги, қолган китоб маҳсулотлари бошқа ташкилотларга тегишлилиги кўрсатилганлиги);

“Farg’ona kitob olami” - 0 балл (ташкилот томонидан сўралган ҳужжат юкланмаганлиги);

8-шарт: иштирокчи ташкилот таклиф бериш муддати тугашига камида 2 кун қолганида, эълонда кўрсатилган китоб маҳсулотларидан 1 нусхадан намуна такдим этиши юзасидан:

“Pharos ambition”- 20 балл (ташкилот томонидан 24 февраль куни 1 278 номдаги китобдан 1 донадан намуна такдим қилинганлиги, такдим қилинган намуналарни кўздан кечириш ва рўйхат бўйича текшириш харид комиссияси аъзолари томонидан ўтказилганлиги ва бу ҳақида фото ва видео далиллар билан бирга далолатнома тузилиб, нусхаси “Pharos ambition” МЧЖ вакилига топширилганлиги, ташкилот ушбу далолатнома нусхасини фото билан бирга файлда юклаганлиги);

“Kitob sayyorasi” - 15 балл (ташкилот томонидан 27 февраль куни танлаш рўйхатига қўйилган 1 278 номдаги китобларнинг 996 номдаги маҳсулотлардан намуна келтирилганлиги, қолган 282 номдаги китоблардан намуналар ташкилот ёлиб бўлган тақдирда келтирилиши ташкилот вакили томонидан айтиб ўтилганлиги, харид комиссияси томонидан ушбу ҳолат ҳам фото ва видео тасвирга олинган бўлиб, шу ҳақида далолатнома тузилган ва ташкилот вакилига нусхаси такдим қилинганлиги);

“Azboa-UZ”- 5 балл (ушбу ташкилот ўз намуналарини эълон муддати 28 февралда тутаган бўлишига қарамасдан, 1 март куни харид комиссиясига такдим этганлиги, такдим этилган китоб маҳсулотлари ва сони танлаш рўйхатига мутлақо мос келмаслиги, китоблар сифати бўйича комиссия эътирози ташкилот вакилига билдирилганлиги, рўйхатда кўрсатилмаган китоб маҳсулотлари бўйича ташкилот вакили ушбу китоблар танлаш рўйхатидаги бошқа китоб маҳсулотларига алмаштириш учун такдим қилинаётгани билдирилганлиги, лекин шунга қарамасдан ташкилот ушбу шарт бўйича қалбаки ҳужжат жойлаштирилганлиги; яъни улар китоб маҳсулотлари BTS почта хизмати орқали 25 февраль куни жўнатилганини ва ушбу жўнатмани ташкилот раҳбари Б. Умаров қабул қилганини билдиришганлиги, лекин китоблар 1 март куни ташкилотнинг ўз вакили томонидан харид комиссиясига такдим қилинганлиги, ушбу ҳолат бўйича ҳужжат китоблар такдим қилинишидан камида 1 кун олдин электрон тизимга юкланганлиги) қўйилганлиги маълум қилинган.

Қўшимча равишда, Тошкент вилояти болалар кутубхонаси вакили томонидан: мурожаатчи ташкилот томонидан Комиссияга юборилган эътироз хати 2023 йилнинг 25 февраль куни жўнатилган, ваҳоланки, буюртмачи томонидан эълон қилинган лотнинг вақти 2023 йил 28 февраль бўлиб, баҳолаш 2023 йил 1 март куни

амалга оширилгани, мурожаатчи ҳали баҳолаш ва эълоннинг тугаш вақти келмай туриб вазирликка шикоят хати киритганлигини;

танлашнинг 8-шарти бўйича ушбу ташкилот танлаш тугашидан олдин ўз ҳужжатларини электрон тизимга ЭРИ калити орқали юклаган, лекин ушбу шарт бўйича ўз нусхаларини 1 март куни харид комиссиясига тақдим қилганлиги;

мурожаатчи томонидан китоб маҳсулотлари BTS почтаси орқали юборилганлиги ва буни тасдиқловчи квитанция ҳамда жўнатма ташкилот раҳбари Б.Умаров томонидан шахсан қабул қилинганлиги кўрсатиб ўтилганлиги, лекин китоб маҳсулотлари 1 март куни ташкилот вакили Жаҳонгир исмли шахс томонидан тақдим қилинганлиги, яъни тақдим қилинмаган китоб маҳсулотлари учун аввалдан ҳужжат тизимга юкланганлиги;

шулардан келиб чиқиб ушбу ташкилот почта квитанциясини қалбакилаштирган бўлиши мумкинлиги маълум қилинди.

Йиғилиш давомида таклиф этилган вакиллар томонидан билдирилган фикр ва ахборотлар Комиссия аъзолари томонидан тўлиқ тингланди.

Кун тартибидagi 2-масала юзасидан.

Комиссия раиси ўринбосари С. Назаров сўзга чиқиб, мурожаат муаллифи – “Epiroc mining and costruction technique” МЧЖнинг мурожаатида кўтарилган масалалар билан йиғилиш иштирокчиларини таништирди.

Хусусан, унга кўра, “Олмалиқ КМК” АЖ томонидан “Эпирок ички ёнувчи дивигателлари билан тоғ-кон ускуналарини диагностика қилиш ва таъмирлаш хизмати кўрсатиш” бўйича 224630-лот рақами билан ўтказилган танлаш савдолари жараёнида:

харид комиссияси ҳаракатларида рақобат ва холислик тамойилларига риоя этилмаганлиги;

мурожаат муаллифи яхшироқ таклиф беришига қарамасдан, харид комиссияси томонидан асоссиз сабаблар билан паст балл берилганлиги;

мазкур тендер ғолиби ҳисобланган “Iko machinery” МЧЖ техник шартларда кўрсатилган кўплаб техник хизмат кўрсатиш талабларига жавоб бермаслиги;

тендер ғолиби ҳисобланган “Iko machinery” МЧЖ ушбу давлат харидида кўрсатилган ускуналарни етказиб бера олмаслиги;

мурожаатчи ушбу давлат харидида кўрсатилган хизматларни тақдим этиш бўйича Ўзбекистон ҳудудида ягона ваколатли дилер эканлиги;

техник топшириқнинг 1.4-банди бўйича юқоридаги сабабларга кўра танлаш ғолиби “Тоғ-кон ускуналарини бошқариш тизимларининг электрон блокларини созлаш ва диагностика қилишни ишлаб чиқарувчининг компьютер дастурий таъминоти (рул ускунаси тизимлари, тормоз тизимларини созлаш) орқали таъминлай олмаслиги ва бошқа важлар маълум қилинди.

Маълумот учун. Иқтисодиёт ва молия вазирлиги томонидан 27.02.2023 йилда “Олмалиқ КМК” АЖга мурожаатда келтирилган масалаларга асосли тушунтириши

ва маълумотлар тақдим қилиши бўйича мурожаат йўлланган ва жавоб хати олинган.

Ушбу жавоб хатида, “Олмалиқ КМК” АЖ харид комиссияси томонидан 26.01.2023 йилдан 02.02.2023 йилга қадар “Epiroc” русумли ер ости кон ускуналарига сервис хизмат кўрсатиш учун энг яхши таклифларни танлаш савдолари жараёнида:

қатнашчиларнинг техник таклифлари ўрганиб чиқилганлиги ва унга кўра “ІКО Mechinary” ХК МЧЖ ва “Epiroc Mining and Construction Technique” ХК МЧЖлар “Олмалиқ КМК” АЖнинг қўйган талабини бажара олиши кўрсатилганлиги;

хусусан:

ишлаб чиқарувчининг компьютер таъминоти орқали ер ости кон ускуналарини бошқариш тизимларининг электрон блокларини созлаш ва диагностика қилиши;

“Epiroc” русумли ер ости кон ускуналарини бошқарув тизимларининг носозликларини аниқлаш учун махсус диагностика станцияси ва дастурий таъминотларга эга бўлиши;

“Epiroc” ер ости кон ускуналари учун ишлаб чиқарувчининг техник маълумотлари ва каталоглари билан маълумотлар базаларига кириш ҳуқуқига эга бўлиши;

тез ишдан чиқадиган эҳтиёт қисмлар омборига эга бўлиши;

ер ости кон ускуналарида ишлайдиган ишчи-ходимларни ўргатиш, кўрсатмалар бериши ва бошқалар.

Шунингдек, танлаш якунлари бўйича 08.02.2023 йилда харид комиссиясининг баённомаси электрон тизимга, муҳокама учун жойлаштирилганлиги;

“Epiroc” русумли ер ости кон ускуналарига сервис хизмат кўрсатиш учун ўтказилган энг яхши таклифларни танлаш савдосида “ІКО Mechinary” ХК МЧЖ ва “Epiroc Mining and Construction Technique” ХК МЧЖ компаниялари “Олмалиқ КМК” АЖнинг талабларига тўлақонли жавоб бериши, лекин харид ҳужжатининг нарх қисмида “ІКО Mechinary” ХК МЧЖ томонидан таклифнинг нархга оид қисмида юқори балл олганлиги сабабли ғолиб деб топилганлиги;

Ўзбекистон Республикаси “Давлат харидлари тўғрисида”ги Қонунига ҳамда Ўзбекистон Республикаси Вазирлар Маҳкамасининг 2022 йил 20 майдаги 276-сон қарорига асосан икки иш кунида танлаш иштирокчилари томонидан эътирозлар келиб тушмаганидан сўнг ғолиб деб топилган “ІКО Mechinary” ХК МЧЖ билан 2023 йил 22 феврал санаси билан шартнома имзоланганлиги маълум қилинган.

Кун тартибидаги 3-масала юзасидан.

Мурожаат муаллифи – “Mir kool heat” МЧЖ вакили сўзга чиқиб, ўз мурожаатида кўтарилган масалалар билан йиғилиш иштирокчиларини таништирди.

Хусусан, “Бухоро халқаро аэропорти” МЧЖ томонидан 225547-лот рақам билан “Иситиш-совитиш ва кондиционер тизимини капитал таъмирлаш” бўйича ўтказилган танлаш савдолари жараёнида:

харид комиссияси томонидан танлаш талабларига тўлиқ жавоб берадиган таклиф тақдим этилганига қарамасдан, асоссиз паст баҳоланганлиги;

иш фаолиятига доир ҳужжатлар (гувоҳнома., низом, рухсатнома ва бошқ.) барча иштирокчиларда бир хил бўлишига қарамасдан, мурожаат муаллифига баллар паст қўйилганлиги;

танлашда давлат харидлари соҳасининг асосий тамойилларидан бири бўлган очиқлик ва шаффофлик тамойиллари бузилганлиги ва бошқа важлар маълум қилинган.

Маълумот учун. Иқтисодиёт ва молия вазирлиги томонидан 28.02.2023 йилда “Бухоро халқаро аэропорти” МЧЖга мурожаатда келтирилган масалаларга асосли тушунтириш ва маълумотлар тақдим қилиши бўйича мурожаат йўлланган ва жавоб хати олинган.

Шундан сўнг, “Бухоро халқаро аэропорти” МЧЖ вакиллари сўзга чиқиб, бир қанча масалаларга ойдинлик киритишди.

Хусусан, 2023 йил 25 январда 255547-сон лот рақами билан “Иситиш-совитиш ва кондиционер тизимини капитал таъмирлаш” хизматларини амалга ошириш учун ўтказилган энг яхши таклифларни танлаш савдоси жараёнида танлаш ғолиби 2023 йил 21 февралда автоматик равишда аниқланганлиги ва электрон баённома тузилганлиги;

танлаш натижалари бўйича талабгор - “Mir Kool-Heat” МЧЖ томонидан махсус ахборот порталига 2023 йил 22 февралда эътироз жойлаштирилган бўлиб, унинг эътирозлари шу куннинг ўзида махсус Комиссия томонидан кўриб чиқилиб, 2023 йил 23 февралда расмий тарзда жавоб хати берилганлиги;

лекин, жавоб хати махсус ахборот порталига жойлаштирилганда электрон тизим (техник хатолик) сабабли қабул қилмаганлиги, электрон тарзда порталга жойлаштиришнинг имконияти булмаганлиги;

шунга кўра, 2023 йил 23 февраль куни 23-02-146-сон жавоб хати “Mir Kool-Heat” МЧЖ директори И.Р.Минибаевнинг телеграмдаги шахсий саҳифасига жўнатилганлиги;

“Mir Kool-Heat” МЧЖ томонидан билдирилган эътироз қонунда белгиланган муддатда харид комиссияси томонидан кўриб чиқилиб, асоссиз деб топилган ҳамда жавоб хати ўз вақтида талабгорга телеграмм иловаси орқали жўнатилганлиги ва 225547-лот юзасидан шаклланган дастлабки баённома муҳокамаси натижаси бўйича расмийлаштирилган электрон баённома электрон тарзда махсус ахборот порталида шакллантирилган ва ғолиб ташкилот билан шартнома тузилганлиги;

танлашнинг 1-шарти бўйича харид комиссияси талабгорлар томонидан тақдим қилинган буюртмачилар томонидан берилган ижобий хулосаларда кўрсатилган ҳолатларни ҳаққонийлигига объектив баҳо бериш мақсадида комиссия ҳузурида махсус гуруҳ тузилганлиги;

объектнинг лойиха-смета ҳужжатларида кўрсатилган хорижий “Чиллер” совутиш тизимлари ўта нозиклиги ва уларни ўрнатиш учун юқори малака талаб қилишини инобатга олиб, гуруҳ томонидан талабгорлар тақдим қилган

маълумотларни баъзиларини бевосита жойига чиқиб ўрганилган ва хулосаларда кўрсатилган объектларда ўрнатилган асбоб-ускуналар системаси ва параметрлари объектнинг лойиҳа-смета ҳужжатларида кўрсатилган ўрнатилиши лозим бўлган асбоб-ускуналарнинг системаси ва параметрларига мос келиши масаласига алоҳида эътибор берилган, баъзи ҳолларда телефон ва интернет тармоқлари орқали тақдим этилган маълумотларга аниқлик киритилганлиги;

махсус гуруҳ томонидан “Mir Kool-Heat” МЧЖ тақдим этган маълумотларни ўрганиш жараёнида В.Л.Галперин номидаги “Toshkent truba zavodi” МЧЖга вентиляция жиҳозлари етказиб, ўрнатиб берилганлиги, “Тошкент вилояти ҳокимлиги ҳузуридаги Тошкент вилоятида бизнес марказларини куриш дирекцияси” ДУКга вентиляция жиҳозлари етказиб берилганлиги ва ҳозирги кунда молиявий сабабларга кўра, ишлар тўхтаб қолганлиги, “Comfort Cooling Service” МЧЖ ва “Golden Premium Build” МЧЖлар талабгор - “Mir Kool-Heat” МЧЖ билан партнёр ва субпудратчи сифатида ишлаб келаётганлиги аниқланган ва шунга асосан улар томонидан объектларга ўрнатилган асбоб-ускуналар объектнинг лойиҳа-смета ҳужжатларида кўрсатилган асбоб-ускуналарнинг системаси ва параметрларига мос келмаслигини инобатга олган ҳолда, танлашнинг 1-шарти бўйича 3 балга баҳоланганлиги;

танлашнинг 6-шарти бўйича талабгор - “Mir Kool-Heat” МЧЖ юқорида кўрсатиб ўтилгандек, 4 та ташкилотнинг ижобий хулосаларини тақдим этган бўлиб, ушбу хулосаларда бажарилган иш ҳажми, ўрнатилган жиҳозлар, шартнома суммалари ҳақидаги маълумотлар кўрсатилмасдан фақатгина “Mir Kool-Heat” МЧЖ ҳақида қисқача ижобий хулосалар ёзилганлигини кўриш мумкинлиги, шунга қарамадан, ушбу талабгорга ғалиб ташкилот билан бир хил, яъни 3 балл билан баҳоланганлиги;

танлашнинг 9-шарти бўйича ишларни бажариш муддати 120 иш кунидан кўп бўлмаган муддат белгиланган бўлиб, “Mir Kool-Heat” МЧЖ ушбу шарт бўйича 120 кунда ишларни бажаришни кўрсатиб ўтганлиги, қолган талабгорларда эса бу муддат 110 ва 90 кун этиб белгиланганлиги;

жамият учун ишларнинг қисқа муддатларда бажарилиши аэровокзалдан ўтувчи йуловчиларга тезроқ қулайликларни таъминлашга сабаб бўлишини инобатга олиб, мос равишда 90 кунга - 5 балл, 110 кунга 4 балл, 120 кунга 3 балл берилганлиги;

танлашнинг 10-шарти бўйича “Иситиш-совитиш ва кондиционер тизимини капитал таъмирлаш” ишларини бажариш учун махсус рухсатнома ёки лицензия сўралган бўлсада, талабгор – “Mir Kool-Heat” МЧЖ нотўғри тарзда, танлаш шартини тушунмасдан, ташкилот гувоҳномаси ва материал учун сертификат тақдим қилган бўлсада, мурожаатчининг интилиши ва ҳаракатлари инобатга олиниб, 3 балл билан баҳоланганлиги;

танлашнинг 11-шарти бўйича ППР (проект производства работ) талаб қилинган бўлиб, талабгор - “Mir Kool-Heat” МЧЖ нотўғри тарзда, танлаш шартини тушунмасдан, 2 донга хат кўринишидаги маълумотнома тақдим қилганлиги, ППР

(проект производства работ), яъни иш ишлаб чиқариш лойиҳаси (энг оддий версияда) иш ишлаб чиқаришнинг календар режаси, объектнинг бош режаси, ишлаб чиқаришнинг технологик хариталари, қурилиш иншоотлари ва маҳсулотларини, материаллар ва жиҳозларни қабул қилиш жадвалларидан иборат бўлиши, мурожаатчи эса ППР (проект производства работ) деб 2 дона хат кўринишидаги маълумотнома тақдим қилганлиги;

танлашнинг 14-шарти бўйича юқорида кўрсатилган ишларни бажариш учун стратегик аҳамиятга эга бўлган объектларнинг ҳудудларидаги иш тажрибаси ҳақида маълумот сўралганлиги, “Mir Kool- Heat” МЧЖ нотўғри тарзда танлаш шартини тушунмасдан ёки стратегик аҳамиятга эга бўлган объектларнинг ҳудудларидаги иш тажрибаси бўлмаганлиги учун В.Л.Галперин номидаги “Toshkent truba zavodi” МЧЖ, “Toshkent viloyati Hokimligi huzuridagi Toshkent viloyatida biznes markazlarini qurish direktsiyasi” ДУК, “Comfort Cooling Service” МЧЖ ва “Golden Premium Build” МЧЖларнинг ижобий хулосаларини тақдим этганлиги ва бошқа важлар маълум қилинди.

Йиғилиш давомида таклиф этилган вакиллар томонидан билдирилган фикр ва ахборотлар Комиссия аъзолари томонидан тўлиқ тингланди.

Юқоридаги масалаларни кўриб чиқиб, Комиссия қарор қилади:

1. 1-масала юзасидан.

Мурожаатдаги масалалар юзасидан Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасидан тегишли хулосалар олинсин.

“Azboa-UZ” МЧЖнинг мурожаатида келтирилган важлар юзасидан тегишли қарор қабул қилиш Комиссиянинг навбатдаги йиғилишига қолдирилсин.

2. 2-масала юзасидан.

“Epiroc mining and costruction technique” МЧЖнинг мурожаатида келтирилган эътирозлари юзасидан Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасига ишчи орган томонидан мурожаат хати йўллансин.

Мурожаат юзасидан якуний хулоса қабул қилиш Комиссиянинг навбатдаги йиғилишига қолдирилсин ва шунга асосан якуний қарор қабул қилинсин.

3. 3-масала юзасидан.

“Mir Kool-Heat” МЧЖнинг мурожаатида келтирилган важлар ўз тасдиғини топмаганлиги, шунингдек танлашни бекор қилиш тўғрисида қарор қабул қилиш учун етарли асослар мавжуд бўлмаганлиги сабабли шикоятни қаноатлантириш рад этилсин.

Мурожаатчига давлат буюртмачисининг ҳаракатлари (ҳаракатсизлиги) устидан суд тартибида шикоят қилиш ҳуқуқи тушунтирилсин.